

Guangjisi Minzcu Bau

ganhhau: CN45-0036 B.2016 Nd.6 Ng.1 liggaueq bingjsaen nienz ndwenseiq ngeihroek

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3226期

Fungsanh Maeuzveh Bocuengq 《Densi Sinhvwenz Vahcuengh》Lanzmoeg

凤山县策划开播《壮语电视新闻》栏目

Mboengqneix, Fungsanh Yen cingq nyaengq maeuzveh bocuengq 《Densi Sinhvwenz Vahcuengh》 densi lanzmoeg, cuengqok aen lanzmoeg neix, beixnuengx Bouxcuengh yaek ndaej yawj densi cezmuiz vah minzcuz bonjfaenh, doengzeiz doiq fatyienz minzcuz vwnzva, coicaenh minzcuz doxgiet, hwnghat ndawbiengz ginghci miz gij yiyougaenq.

Ciuq cam rox, 《Densi Sinhvwenz Vahcuengh》 cuengqok faenbaenz

sawqcuengq caeuq cingqsiq cuengqok song duenh, lanzmoeg neiyungz iugouz aeu mizyinx, doxgyau, comz minzswng minzsuz guh itheij, vatcimh minzcuz vwnzva, fanjwngq yienhsaed saedcej, fatyienz minzcuz cinghsaenz. Bouxboqyaem yungh Vahcuengh boq, gij sing bouxciepsouh caijfangj aeu yungh Vahcuengh biujdap. Aeu gij sibinz caensaed, swhyienz, caenciet caeuq sijfap, gaisau gak dieg boux dinfwngz ak caeuq boux dajndaem

dajciengx ak, cungfaen daejyienh beksingq Mbanjcuengh gaenx guh hong caeuq cinghsaenz gaenxmaenx doxhwnj, bauqlwnh saeh ndawbiengz caeuq ndawbiengz caencingz, fatyienz gyaundeiz caeuq swnzsienh, bauqlwnh ndawbiengz yak rwix, hemqheuh naengzlig ndei, fatyienz ndawbiengz huzndei, coicaenh ndawbiengz ginghci hwnghat, minzcuz doxgiet hoenghvuengh.

(Dwng Liengzminj/邓良敏)

SIUSIK DINJ

简讯

● Gaenh geij bi neix daeuj, Sanhgyangh Duncuz Swciyen baengh gij hozcozse vunqsik “gunghsw + gihdi + ranzungzhoj”, doenggvaq “gyaeujlungz daiqdoengh” “gujfw doxgap” “faensanq swngcanj, cizyoz ginghyingz” daengj banghoj fuengsik doidoengh daegsaek canjnieb hwnghat, bangcoengh bouxguhnaz gungzhoj ra ndaej diuz loh baenzfouq he.

(Vuz Lenyinh)

● Vihliux daegsaek doxgaiq reihnaz ndaej lai fungsou, mizyauq coicaenh gizdieg sausu minzcuz ginghci hoenghvuengh hwnghat, gyavaiq yamqdin vut gungz baenzfouq. Mboengqneix, Vanzgyangh Mauznanzcuz Swciyen cujiz haiguh beizyngisuz dajndaem haeuxsuen haeuxcid, aen yienh neix gak yanghcin 300 lai noengzhoh daengz ciengz camgya beizyin.

(Danz Su'myauz)

● Mboengqneix, Lungzswng Gak Cuz Swciyen Lauxnienz Dayoz banh bi 2016 “ndwenhaj vuenheij” daihingz fouxgvangjangz baijyienj hozdung, daengx yienh 18 aen fouxgvangjangz vwnzyidui 300 lai boux duiyenz daenj buhvaq Myauz, Yauz, Dung, Cuengh, Gun biujyienj daihingz fouxdohyeh, 《Fouxdoengh Cungguk》 daengj fouxgvangjangz cezmuiz, cangdauj daihgyliehndang, insik ndangdaej cangqheiq.

(Banh Cisiengz)

● Mboengqneix, Guengjsae feihyiz vwnzva “vwnzcangz” bouxswncienz Cinz Livwnz, bae daengz Yungzanh Yen Cangzanh Cin Anhningz Cunh Mbanjdabauz Mbanjmyauz diegyae diegbya, son “vwnzcangz” yienjciengq fuengfap, beizyin beixnuengx sausu minzcuz hag conzdungj vwnzva, doenggvaq beizyin hawj “vwnzcangz” feihyiz vwnzva gig miz daegsaek baihbaek Guengjsae haenx ndaej caenh itbouh fatyienz guengjdaih, doengzeiz, coicaenh minzcuz doxgiet huzndei.

(Danz Gaijhingh Cinz Ginghoz)

Luzcai: Cien Lai Vunz Fouxdoengh Hwnjdaeuq

鹿寨：上千舞者舞起来



5 nyied 28 hauh, Luzcai Yen banh bi 2016 gaiq daihngaih fouxgvangjangz doxdax. Ngoenzhaenx, daengx yienh gak yanghcin, mbanj(gaihaw) 30 aen doihdaiqbuij 1000 lai boux vunz caenhcingz fouxdoengh hwnjdaeuq. Aen yienh neix yungh vwnzva guh angq hingz sik beksingq haengj dingq gyaenz yawj neix comz simvunz, baengh aen daizheiq “sing yaem Luzcai”, caux ok vwnzva heiqfaenh naekna. Ndaw doz dwg doxdax diuqfoux.

(Lai Genveih/赖建辉)

Namzningz Si Gyagiengz Baujhoh Bonjdieg Daegsaek Aenmbanj Gaeuqgeq

南宁市加强乡土特色示范建设 保护传统村落

Dangqnaj, Namzningz Si haenqrenz haiguh bonjdieg daegsaek sifan hwnjguh, doidoengh hwnjguh buek bonjdieg daegsaek hwnjguh sifan yienh, sifan gih, sifan mbanj funggek mbouj doxdoengz ndeu.

Namzningz Si bonjdieg daegsaek sifan hwnjguh ciuq gij fuengsik “diemj, sienq, mienh” giethab doicaenh, youq gwnz “diemj” dajcaux cingbinj, sifan daiqdoengh; youq gwnz “sienq” dungjcouz maeuzsuenq, doed ok doiq “swnghdai lajmbanj” gizdieg cungdenj nangqdaengz yanghcin caeuq henzsienq gvaengxlaengx mbanj nem aenmbanj gaeuqgeq, mbanj daegsaek okmingz, minzsuz ranzyouq sifan

mbanj daengj aenmbanj caebcomz doicaenh; youq gwnz “mienh” haenqrenz doigvangq, diuhdoengh deihfueng damqra doicaenh gij gaenxmaenx-singq bonjdieg daegsaek hwnjguh, daezsang lajmbanj hwnjguh cingjdaj suijbingz.

Bi 2016 sawqdiemj damqra hwnjguh 13 aen si gaep bonjdieg daegsaek sifan mbanj, youq bi 2017 gaxgonq saedyienh gij muzbyauh cauxlaeb 2 aen swcigih bonjdieg daegsaek sifan yienh, 15 aen sifan mbanj. Aeu henz loh gaudiet, henz goengloh, henz haij henz dah, lijyouz ginggih, giz gapgyaiq singz yangh, mbanj hung cin hung daengj dieg

guh cungdenj, gaem ndei hong gaijndei yienghsiengq mbanj sifan caeuq gwnz “mienh” daezsang, cauxlaeb haujlai aen dieg lienz sienq baenz benq bonjdieg daegsaek mbanj, baujhoh aenmbanj gaeuqgeq, swncienz lizsij goekdaej, yienh ok minzcuz daegsaek, cuengqok gij feihdauh bonjdieg. Gaem ndei hong 15 aen si gaep minzsuz ranzyouq sifan mbanj bi 2015 gaenq cauxlaeb haenx laebdaeb guh caeuq guhcaez daezsang, doicaenh bi 2016 caux moq 16 aen si gaep cunhsisiz caeuq 12 aen si gaep minzsuz ranzyouq sifan mbanj hanghmoeg hwnjguh.

(Veiz Yenzfuz/韦元福)